

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-2442/19  
Sarajevo, 19.12.2019. godine

**Z A P I S N I K**  
**3. VANREDNE SJEDNICE DOMA NARODA PARLAMENTA**  
**FEDERACIJE BOSNE I HERCEGOVINE, održane**  
**19. decembra 2019. godine**

Sjednica je počela u 10.49 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, potpredsjednika Federacije Milana Dunovića, zamjenicu premijera Federacije Jelku Milićević, ministre u Vladi Federacije i predstavnike medija koji prate rad sjednice.

Izostanak sa sjednice su opravdale Alisa Hajdarović i Mirela Trepanić.

Prema evidenciji Stručne službe, sjednici prisustvuje 49 delegata što čini većinu pa Dom naroda može raditi i punovažno odlučivati.

Prije prelaska na rad predsjedavajući je upitao delegate ima li prijedloga za izmjenu i dopunu dnevnog reda te je uslijedila diskusija u kojoj su učestvovali: Jasmin Duvnjak, predsjednik Kluba delegata bošnjačkog naroda, Tomislav Martinović, Goran Broćeta, Aner Žuljević i Vibor Handžić.

Zatim je predsjedavajući stavio na glasanje predloženi dnevni red i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 33 glasa za, četiri glasa protiv i šest suzdržanih glasova usvojio sljedeći:

**DNEVNI RED**

1. Prijedlog odluke o prihvatanju zaduženja po Sporazumu i zajmu i Projektu između KWF na Majni Bosne i Hercegovine i Federacije BiH i Javnog

preduzeća „ Elektroprivreda HZ HB” D.D. Mostar za realizaciju Projekta rehabilitacija i modernizacija crpno - akumulacijske hidroelektrane Čapljina,

2. Prijedlog odluke o izmjeni Odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju projekta poboljšanja energetske efikasnosti u JU Kantonalnoj bolnici Zenica.

**1. Prijedlog odluke o prihvatanju zaduženja po Sporazumu i zajmu i Projektu između KWF na Majni Bosne i Hercegovine i Federacije BiH i Javnog preduzeća „Elektroprivreda HZ HB” D.D. Mostar za realizaciju Projekta rehabilitacija i modernizacija crpno - akumulacijske hidroelektrane Čapljina**

Vlada Federacije Bosne i Hercegovine je utvrdila i dostavila prijedlog Odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 6. vanrednoj sjednici održanoj 17.12.2019. godine donio ovu Odluku.

Prijedlog odluke je razmatralo nadležno radno tijelo koje je dostavilo izvještaj.

Prijedlog odluke je obrazložila zamjenica premijera Federacije Jelka Milićević.

U ime Odbora za ekonomsku i razvojnu politiku, finansije i budžet Doma naroda, predsjednik Odbora Aljoša Čampara, izjavio je da Odbor podržava donošenje odluka koje su na dnevnom redu današnje sjednice.

U raspravi su učestvovali Aner Žuljević i federalna ministrica finansija Jelka Milićević.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za, četiri glasa protiv i šest suzdržanih glasova donio Odluku o prihvatanju zaduženja po Sporazumu o zajmu i Projektu između Kreditanstalt für Wiederaufbau Frankfurt na Majni i Bosne i Hercegovine i Federacije Bosne i Hercegovine i Javnog preduzeća „Elektroprivreda HZ HB“, d.d. Mostar za realizaciju Projekta rehabilitacija i modernizacija crpno - akumulacijske hidroelektrane Čapljina.

**2. Prijedlog odluke o izmjeni Odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju**

**projekta poboljšanja energetske efikasnosti u JU Kantonalnoj bolnici Zenica**

Vlada Federacije Bosne i Hercegovine je utvrdila i dostavila prijedlog Odluke Parlamentu Federacije radi razmatranja i donošenja.

Predstavnički dom Parlamenta Federacije Bosne i Hercegovine je na 6. vanrednoj sjednici održanoj 17.12.2019. godine donio Odluku o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju projekta poboljšanja energetske efikasnosti u JU Kantonalnoj bolnici Zenica.

Prijedlog odluke je razmatralo nadležno radno tijelo koje je dostavilo izvještaj.

Prijedlog odluke je obrazložila zamjenica premijera Federacije Jelka Milićević.

U raspravi je učestvovao Jasmin Duvnjak.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine usvojio prijedlog Odluke sa 40 glasova za, jednim glasom protiv i šest suzdržanih glasova donio Odluku o izmjeni Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica.

Sjednica je završena u 11:25 sati.

\*\*\*

Transkript sjedice čini sastavni dio Zapisnika.

SEKRETAR

Izmir Hadžićević

PREDSJEDAVAJUĆI

Tomislav Martinović